

Enrosadira, con la femenes e per la femenes

Enstadi l'è tacà la setemèna de evenc per la valorisazion de la eles, na scomenzadiva endrezèda dal Comun general de Fascia a una con altra istituzions dedichèda a la femenes de nosc teritorie



I reladores al projet "DonnaInDifesa" sun paladina con la moderadora Federica Giobbe.



La responsabola di servijes sozio assistenzièl del Comun general Paola Rasom e la criminologa Cinzia Mammoliti.

Moena - L'è dassen na bela scomenzadiva chela metuda a jir per endrez de l'assessorat per la oportunità pervalives del Comun general de Fascia en colaborazion con la Provinzia de Trent e la soziaziòn Il Carro delle Muse e La Voce delle Donne, che viventea nòscia val ensin a en domenai ai 23 de setember con na setemèna de evenc aldò de n projet pissà per valorisèr l'mond de la eles.

En lunesc ai 17 de setember a Moena te teater Navalghe l'è stat la prejentazion del projet e l'prim event, "DonnaInDifesa", na sera su la violenza de gender e la manipolazion afetiva.

Col coordinament de Federica Giobbe, anter la ideatores de l'enconter, a rejonèr de chest argoment n muie delicat e senester l'è stat la criminologa Cinzia Mammoliti, la responsabola di servijes sozio assistenzièl del Comun general Paola Rasom e l comandant di Polins de Fascia Gianluca Ruggiero.

A fèr i onores de cèsa l'assessora a la cultura del comun de Moena che à palesà l'orgolie de l'amministrazione de poder ge dèr alberch a chest prum apuntamento e l'è reingrazià la conseiera de procura del Comun general per se aer dat jù trop tel concretisèr chesta idea. Na lingia de evenc acioche la femenes posse fèr rei, smaoran sia

autostima e sia consaputa percheche cognon meter pègn su la eles de nòsc teritorie - l'è dit la conseiera.

L projet l'è inom "EnROSAdira", desche l fenomen che te nòsc raion entenc de resa i crepes del Ciadenac e l'è dedicà a nòscia femenes, fortes desche chisc crepes ma che à de besegn enche de atenzions, l'è dit la procuradora, uzan fora l fat che oramai enche te nòsc raion se verifichea situaziòn de violaziòn, aggressività e abuse fisics ma soral d'ut psicologics ti confront de la femenes e amò apede la eles anchecondi se mef, viaja, va stroz da soules, donca les pel esser vitimes desche cheles che vif te zità.

La manipolazion relazionèla

La dotora Mammoliti è jita tel vif rejonan de coche la manipolazion relazionèla pel copèr pian pian na persona che la sopesa chest fenomen, ajache la vif na situazion de stress dassen n muie pesoca. Chest reat revèrda persones deldut normales che de spes fèsc pèrt de fasces autes de la sozietà - l'è deschiari - l manipolator pel esser agressif donca sori da recognoscer, più de spes enveze somea zivil e valent ma pian pian l'auza l livel de sia azion, fin a

ciapèr la soraventa. Chesta situazion se verifica soral d'ut te na relazion de cobia e te familia, ma pel sozeder enche sul lurier o te n raport de fradaa. L'è segnèi che pel fèr entener l pericol ma ajache i abuse per solit rua da persones vejines e emportantes dal pont de veduda sentimentèl l'è senester, vèlch outa empossibil, se n'adèr.

A front di numeres ofiziai che la statistiches porta dant l'è da tegnir cont che les è de n muie la femenes che padesc situaziòn burtes da nascousc, percheche no les se fida palesèr sie malesser, percheche les cogn fora de cèsa magari con bec piccol, percheche no les à la ressorsse daite de se per tor dant n mudament che domana energies de spes spropositèdes, percheche les à poua che la conseguenzes sie amò piores.

Se sentir scutè zenza vegnir giudiché

De chest à rejonà Paola Rasom di Servijes sozio assistenzièl del Cgff, ilustran la situazion te nòscia region. Del 2016 l'è stat 532 denunziè de violenza te familia e de chestes l 62% se à verificà daite da na relazion sentimentèla en cors o jà fenida. Per ge dèr l met a na femena vitima de jir

fora da chesta situaziòn e poder se fèr na vita neva vegn portà inant na rei de aziòn anter i servijes sozièl, la Polizia Locala, i operadores sanitàres. L servijes del Cgff spore n spazie olache chi che à de besegn pel se lascèr fora con sie dejèe e se sentir scutè zenza vegnir giudiché. Aldò de la situaziòn l'è desvaliva possibiltèdes per la vitimes, la cèses refuge con direzion secreta, la cèses de acolienza, con n livel de protezion manco aut, i cartieres normai, se sà ben, apede a duta na lingia de sostegnes che pel permetter la recostruzion de na vita. L gran lurier vegn fat ben segur soral d'ut con la vitima ma enche a l'ator de la violenza, ge vegn proponet n percors de mudament.

I Polins, pont de referiment important

La Polizia locala, forta de la cognoscenza analitica e prezisa del teritorie, raprejentà dalbon n pont de referiment emportant per la popolazion. L comandant Gianluca Ruggiero à dit che ti ultimes egn l'è stat desvalives intervenc enche te nòscia realtà e ensemba con l'agent Manuela Bentivoglio l'è rejonà de la doi modalitèdes de arvejinament durèdes per solit per domanèr

didament: les pel se verificà travers na forma n muie diretta opura pontan demez da dalonc per dò se lascèr jir magari anter la legremes. Un di motives che tira più endò dal fèr denunzia l'è la vergogna de vegnir giudiché e la poua de la conseguenzes - i à dit - sozet enche che rue persones che somea n muie spervajes che te l'ofize di polins posse tachèr sie mudament ma n muie de outes les va de retorn zenza aer fat nia.

N cors de defendura per mudèr ategiamet

Duc i espere à dit che fossa n muie emportant poder fèr prevenzion de chisc fenomens, un de chisc l'è tor pèrt a n cors de defendura personèla. De chest à rejonà i referenc de la Scola Defence System Academy che à portà dant l cors che vegnarà metù a jir te Fascia dai 27 de setember ai 5 de otober. L'obietif l'è de ge insegnèr a la jent a gestir sie corp e a controlèr l stress en cajo de besegn. L'è stat sottrissà la nezzessità de formèr na cultura neva, n ategiamet desvalif che cogn doventèr n stel de vita, ajache l'è apontin chest che pel mudèr i efec de na agrescion. Pissèr che se pel jir fora da na situazion muda l cef e chest pel mudèr l resultat ajache l'agressor no l se speta chesta reazion. Tel cors vegn insegnà enche coche ogeg da duc i dis pel doventèr èrmes de defendura e che l'è reazioni percacentes che se pel portèr inant te la vita normala.

Endèna la sera l'è stat portà dant enche n belot moment artistich con la atletes de ginastica ritmica de la soziaziòn sportiva Moena Sport, che se à ejibi sun paladina con desvaliva performances a tem, sporjan n spetàcol dalbon piàjègol e de efet.

La sera se à serà sù con n gustègol buffet sport da la firma Fiores e la Copratives sozièles teritorièles.

Cristina Marchetti



L spetàcol de la atletes de ginastica ritmica de Moena Sport.

